

# OMUKWETU

Registered at the General Post Office as a Newspaper

## Omafaneke goku mona ondjila yoo- pala mokukwatha iigwana ya Namibia

Ehangano lyapasosiale muHelsinki olyi ithana Ehangano lyekwatho lyopondje lyongeleka nehanganotumo, IyaSoomi o-po ya kambadhale okumona omikalo o-miwanawa okukwatha aantu mboka yopondje ye li momaudhigu momavi omakwawo.

Opwa talwa iiningwanima yomimvo dha piti po mokulandula oonkundana dhiifo yomuS. W. A. Iifo ya fa ya holola omafaneke ga-5 okukwatha iigwana mbi-ka:

- (1) Namibia li kale kumwe naS. A.
- (2) Nenge evi li topolwe pokati.
- (3) Omahangano gaaludhe oga hala ngaa uukumwe pokati kiigwana ayihe yaS.W.A. moshilongo shimwe Namibia.

(4) Yamwe ya hala ishewe, evi li topolwe, kutya iigwana yaS.W.A. ngaashi Aawambo, Aanama, Aaherero n.sht. ya ninge oshilongo shimwe kombinga yuumbangalantu waS.W.A. naatiligane ya pewe evi lyokuumbugantu woshilongo.

Pwa ndhindhilikwa ishewe, kutya Soomi ando shi kambadhale okukwatha moshinima shoka, o-po V.V.O a mone etokolo lyo opala. Nasho wo a kwathe mboka ya zi mOwambo niimaliwa, o-po ya mone oompumbwe dhawo.

Niishewe pwa dhimbululwa kutya aantu mboka ya yi kuZambia, 5000, Epangelo IyaZambia Iye ya pe evi popepi naKapirivi, o-po ya longe omapapya mpoka, noya mone iipalutha yawo. Aantu mboka ya kala manga muLusaka, otaka ka tembudhilwa wo koKapriwi.

Mokulandula oonkundana miifo taku vulu okutengenekwa, kutya eendathano pokati kaKapriwi naAzambia otali ka ninga edhigu pehulilo lyMai, ngele S.A. ina zimina okweeta ekwatho moshinima shika nokukundathana naAnamibia noku ya etela omatokolo go opala.

Nicky Iiyambo ngoka a li wo moshigongi shoka okwa popi kutya SWAPO kayi shi ehanganano lyAawambo ayeke, ihe mehanganano omu na iilyo yomihoko dhilwe wo dhAanamibia. Aantu yaNamibia oya hala okutokola yo yene, kutya oya hala Epangelo Iya tya ngiini. Shoka tashi pumbiwa pethimbo ndika uunene, osho okukwatha mboka ya kondo oongamba, o-po ya

mone ooskola nosho wo ekwatho lyopaunamiti.

Pwa tokolwa pu ka kale okangundu taka landula miifo, iiningwanima nkene tayi ende muNamibia noka kambadhale okumona omafaneke go opala okukwatha moshinima shika, o-po iini-ma ayihe yi ende nomukalo gwombili noku-kwatha okumonena Aanamibia elago tali pumbiwa nekwatho lyokolutu mokati kaavu.



Omuteologi Hilma Shilongo, omupresidende gwEhangano Iyaakiintu aanangeshefa naaniilonga. Oohapu tala moshipopipiwa "Omumvo gwaakiintu" moshifo shika. Meme Hilma oku li wo omuwiliki gwoshilonga shOsikola yoSoondaha mOngeleka ayihe.

# Aayenda ya simana ya li mOngeleka

Ongeleka onkwaLuther mOwambokavango (ELOK), oya taamba nuumvo aayenda oyendji ya simana ya zi kOngongahangano yAakwaluther (LWF) kuGeneva. Amushanga Ndjayi gwehangano ndika, dr. Carl Mau jr., Omuyamerika, okwa kala nokuli moshitutihambelesho shOshinyanyangidho moka a li gumwe gwo maapopi aanene.

Oye amushanga gwo tangotango gwOngonganga yAakwaluther oomiliyona 54, a



talele po Ongeleka yetu. Omusamane gwomivo 53, Mau, okwe endeke pamwe na amushangagona moombelewa dhawo, meme Christa Held, ngoka e tu talele po wo nale lumwe.

Omundohotola Mau okwa hogololelwa oshilonga shika shuuhamushanga muJuli 1974 kEwilikongundu enene lyehangano. Amushanga omukulu, dr. André Appel, okwe etha oshilonga shoka a ka ninge omupresidende gwOngeleka yaandjawa muFransa.

Omimvo mbali dha piti, omusitagangalo Mau, okwa li noshilonga shuuhamushanga wokomitiye yOngongahangano yAakwaluther yomuAmerika. Nomomimvo omikwawo dha pitile okwa li amushanga omupeha mehanganano tuu ndika.

Aayenda ooyakwawo yaali oya holokele wo pokati kaFebuluali mpaka. Oyo dr. Ulrich Duchrow, omuwiliki gwoshikondo sheilongo shomOngongahangano nomusita Amon D. Mwakisunga, amushanga gwiinima yaAfrika moombelewa dhAakwaluther kuGeneva.

Elalakano lyoshilonga shuukumwe wAakwaluther pethimbo ndika, mbaka nayo wo oya li ye shi fatulula nkene okuyambidhidha Oongeleka dhi li iilyo mEhangano ndika, unene ndhoka oongundjuka dha thikamenwa komapulo ogendji omadhigu.

## OMUMVO GWAAKIINTU

ligwana yahangana yuuyuni (V.V.O.) oyu utha omumvo nguka 1975 gu ninge omumvo gwaakiintu muuyuni auhe. Ngiika shika inashi tseyika nando kaaleshi yOmukwetu aakiintu nenge yamweyamwe ye shi tseyika. Miilongo oyindji omwa fanekwa nokuli 1974 shono aakiintu ya dhiladhila okuninga omolwokugamena uuthemba wawo.

Ngashingeyi koombinga adhihe dhuuyuni otaku zi omawi gaakiintu taa indile shoka ya tala inaye shi pitikilwa natango kaalumentu. "Euvaneke lyomimvo 10 okweeta po elunduluko monkalo yaakiintu olya tungwa nokuli," osho sha tiwa kufolo Helvi Sipila sho a popitha yamwe pombelewa yOngongahangano yAakwaluther muGeneva.

Mefano pombanda okuza kolumoho; omukuluntutuma O. Eriksson, omumbisofi dr. L. Auala, omumbisofi gwOngeleka yAatswana mu S.A., Daniel P. Rapoo, amushanga gwOngongahangano yAakwaluther dr. C. Mau, omuwiliki gwOshinyanyangidho M. Amkongo nomupehawilikingleleka K. Dumeni. Mefano pevi omuwiliki gwopevi moshikondo shependulopo lyiigwana shOngongahangano yAakwaluther Christa Held.



Meme Helvi Omusoomi, noku li omukwathi gwAmushanga Ndjayi kligwana yahangana dr. K. Waldheim okuza 1972. Oyo ayehe ya li ko wambo omumvo ngoka. Meme Helvi ota yematele aakiintu ya ningwa etata lyaalumentu palongo, pailonga, pandjambi, nopamithika dhilonga. "Siku omumvo 1985 mpo gu thikila, oto ki iuvila ko shoka sha ningwa po kaakiintu muu-

Tala kep. 4

# Ovatungi vombili novanyoni vayo

Ovanelao ovanhu ava ve na ombili, osheshi otava ka ifanwa ovana vaKalunga. Mat.5:9.

Tu hoveleni paife okulihonga eudifo eli linene mokukonakona eshi shi li mo. Lwotete ohatu lesha apa oshitya "ombili". Pefimbo nda li muTanzania 1955 onda li te pwilikine ovanhu eshi tava tumbula efimbo alishe: "Salaam" osho tashi ti: Ombili yOmwene nai kale naave. MOmbibeli ohatu mono nokutya ombili itashi ti ashike okumanguluka koisho aishe. Ndele otashi ti yo nokutya okuhafela ouwa aushe ou u li po.

(2) Pativali natu shi taleni nelitulomo osho tashi diladilwa keudifo eli. Otaku tiwa, omapuniko otaa kala kombada yovatungimbili, hako mbada yovaholimbili.

Luhapu oshi li ngaho kutya omunhu nenge okuhole ombili papuko, oha shakenifa ashike oilonga yaye yoix una, ndele hailonga yombili nande. Natu tye ohatu dulu nga tu efe tu tili-fwe fye tu pitike efimbo loiponga li uye ndele fye omolwombili vati inatu hala okuninga sha. Oku na lela vahapu, omunhu ta diladila nokutya okuhole ombili, ndele paushili ota ndubile ashike owii, osheshi ina hala okuya meefina dopefimbo olo nokuninga po sha eshi sha pumbiwa.

Ombili oyo Ombibeli tai ti nokutya ovanelao, itai di mokufadukapo oupyakadi, nde omokuya muo, mokulonga sha muo noku u finda.



**Kombila yomusitagongalo Eino Johannes Itope, Oshitayi okwa dhikwa emanya lyondilo yi vule R400,00. 1/6/1975. R50,00 odha gandjwa ku nakusa mwene, manga iikwawo ya gongelwa koyana, kegongalo nokookuume yomOngeleka ayihe. Egongalo alihe nomagongalo puushiinda nookuume ya za mUushimba oya li pedhiko ndika. Omwana Mulanduleni Itope okwa kondjo a mone emanya ndika muAngola. Ngiika olyo emanya lyotango lya za kiilongo okuyakula muNamibia. Aawilikingeleka ayehe oya li ya mono ompito yokukala moshituthi shika shedhiko.**

Eshi tashi pulwa keudifo eli kashi fi okutambula oinima inai yuka, eshi ngeno twa tila oku i wapeka, ahowe. Ndele eudifo otali tu tula moilonga tu ye moinima idjuu, tu tungee ombili hasha nokuli nge ondjila i ili po okweta ombili oyooyo tai pitile ashike mekondjo.

(3) Elundululo limwe IOmbibeli ola ti nokuli kutya, ovatungimbili otava ka ifanwa ovana vaKalunga. Ohatu dulu okwiifana omunhu "omuna vombili", ponhele yoku mu ifana "omunambili" Eudifo eli tali ti:

"Ovanelao ovanhu ava tava tungu ombili, osheshi otava ka ifanwa ovana vaKalunga".

Eshi hano otashi ti: Ovanelao ovo ava tava tungu ombili osheshi otava ka longa oilonga ya fa yaKalunga. Omunhu ou ta tungu ombili, oku li naanaa moilonga oyo Kalunga kombili te i ningi Rom.15:33. 2Kor.13:11.

Oshikalimo sheudifo eli osha konakonwa painima ei itatu:

1. Opwa tengenekwa nokutya ovatungimbili nenge ovana vaKalunga, nena otava shitulula yo ounyuni ou u kale onhele iwa yaaveshe ava tava kala mo. Abraham Lincoln okwa tile:

Nge ndi kale handi fi, "onda hala ndi shi lombwelwe, opo ndi ye moshikunino ndi lime omwiidi, ame ndi twike ongala ei nda itavela nokutya otai ka koka."

b. Ovalihongi vahapu vonale vOngeleka, eudifo eli ove li talele alushe moyejelele wopamhepo, ndele opuwo. Neudifo eli kuvo ola udika ko ngaha.

"Ovanelao ovanhu ava tava tungu ombili meemwenyo davo".

Keshe umwe womufye oku na ekondjo momutima waye nota shilwa ngaha keembinga adishe, e li pokati kouwa nowii. Keshe omunhu ohatu ti oku na oita i li muye. Ehafo lashili, olombili ei i li momutima waye, eshi e u ya ndja kuKalunga.

c. Ndele oku na yo omadiladilo makwao omolwoshitya eshi ombili, omo ovahongi Ovajuda va hala alushe okukala mo. Padiladilo olo yo Jesus a hala okuholola apa.

Oku na ovanhu ovo alushe va hala okudima po nekuni onhele youpyakadi noyehanduu. Ape-she opo tava kala po, alushe ove li ashike meenhamanana, nge odavo vene ile otave di etele vakwao. Ovanhu ava ovo ovaeti voupyakadi, ovanhu ava, otava hangika momuhoko keshe, nomOngeleka keshe. Vo ovanhu ovo otava ningi oilonga yondeveli i kale yavo.

Kombinga imwe, Kalunga na hambelelwe eshi ku na ovo muvo kamu na nande oululu washu. Ovanhu ovo tava tungu ashike onhapa pokati kovantu, tava velula oipute, vo tava dimi omudilo wehandu apa wa xwama.

Ovanhu va tya ngaho ovo ne tava longo oilonga yaKalunga, osheshi osho elalakano laKalunga okutula ombili pokati kaye novanhu nopokati komunhu nomunhu mukwao.

Omunhu ou ta tukaula ovanhu, oye ta longo oilonga yaSatana, ndele ou ta hanganifa ovanhu ota longo oilonga yaKalunga.

Hano eudifo eli otali leshwa ngaha: "Ovanelao ovanhu ovo tava tungu ongalafano iwa pokati komunhu nomunhu, osheshi ovo tava longo oilonga yaKalunga".

**(LA UDIFWA MEYEULULO LOSHINYA-NYANGIDO KOMUBISHOPI DANIEL P. RAPOO, WOKU S.A.)**



**Efolo Maria Hamata, omukiintu gwotango moshigwana i ilongo sigo B.A. mosikola yokombanda yaFort Hare S.A. Okwa ti kutya aakiintu ngele taa etha okwiidhina, otaa ka longa oshindji monkalathano.**

Musoomi nuumvo aakiintu oya indile komubisofi omukuluntu gwOngeleka onkwaevangelii paluther, Martti Simojoki, opo ya yapulilwe uusitagongalo. Otaku tengenekwa nokuli kutya aakiintu ye thike lwopo 960 oye na onkatu muuteologi, nando sigo oompaka Ongeleka yomuSoomi inayi yapulila natango omukiintu muusitagongalo.

Eindilo lyawo olyu undulilwa kOshigongingeleka.

MuAfrika wo aakiintu otaa popi pombanda. MuTanzania otaa yemata kaalumentu taa hokana ombanda pwaa na ezimino lyawo. Ihe ndika ehumokomeho sho aakiintu ya hala okupulwa ngele omulumentu na konge omukiintu omutiyali, nenge aawe. Shito oshi li metokolo lyomusamane mwene.

"Tate okwa li e na aakulukadhi 22. Ngaye omuna gwomukulukadhi omutitano. Ando ombanda oya li ya keelelwa ethimbo ndiyaka, otashi ti ando ine valwa". Omupresidende gwoshilongo shaTanzania osho a lombwele oshigongi shaakiintu. Noye shi yolo po manga.

Ihe Omupresidende Julius Nyerere ota tsu kumwe nayo miinima oyindji. Okwa tala eshundo ko lyaakiintu ombinga yimwe otali zi wo miigonda yomukiintu mbyoka a ti, ongashi omuntu ta landitha po ohema ye.

"Otwa li twa kondjeleni emanguluko shi thike pamwe. Ihe ngashingeyi omwa tsikila nokwiidhidhimikila uupika waalumentu momagumbo. Epangelo otali ke mu kwatha".

"Osho omusamane Nyerere u uvanekele aakiintu yoshigwana she. MuTanzania omu na aakiintu oyendji oomengesitrata. Gumwe hahende mompangu yopombanda nagumwe komufala. Ihe shika inashi mana po oombudhi.

"Ethimbo lya piti lyomukulukadhi wa ningwa ashike ongoye gwomepya, gwoku ka halitha

kokapale nenge gwokuhumbata omitsalo manginga omusamane e li komeho ta tsu olwoondje mevi. Yo iimaliwa nge ya zi komalandithilo oyu uka ashike mondjato ye". Gumwe gwawo, Sara Kamala, e dhi nyenyeta ngawo.

MuZambia ehanganano lyaakiintu aakriste olya hala okukatuka onkatu momateyo goondjokana moshigwana nomokupopila uuthemba waaselekadhi noothigwa.

Oya hala aakiintu ayehe haa longo moshilongo ya ninge iilyo yehanganano lyaaniilonga, opo ku ningwe omautho gaavali taa ka mona uunona; gondjambi mu gwedhelwe wo noyuunona, nenge uthike pamwe wondjambi noyomulumentu piilonga yimwe nopaputudho limwe.

"Mpoka omumvo gwaakiintu muuyuni tagu ka pwilako, aawiliki yaZambia naa adhike ya yelitha nawanawa onkalo yomukiintu moshigwana".

Osho ehanganano lyaakiintu muZambia lya londodha.

Meme Medea Hussey muS.A. ye okwa ti nokutya shono ya hala, hakupangela ando aalumentu, aawe. Oya kale nuuthemba nuuthikepamwe naalumentu.

"Momumvo nguka gwaakiintu Oongeleka no mapangelo naga kuthe po ashihe tashi imbi omukiintu a mone uuthemba we." Osho meme Medea a ti.

**TSE ITATU LALAKANENE TU KALE AALUMENTU KOMBANDA YOMITSE, IHE INATU HALA WO AALUMENTU YE TU TULE KOHI YOOMPADHI DHAWO. SHOKA TWA HALA OTU TALWE TU NA ONDILO YI THIKE PUYAWO. (EHOKOLOLO ALIHE TALA NATANGO KEPANDJA ETITANO.)**



**Meme Maria Nakafingo, omulongi omunene mosikola yeputudho lyokukala nomagumbo mEngela. Ye ota ti nokutya oshinakugwanithwa she ongomulongi okuuvitha ko aakiintu ya tseye, kutya oye li oongudhi dhoshigwana.**

## MuNamibia aakiintu otaa ti ngiini?

"Kandi shi wo nokuli ngele okwa kala sha sha tya ngaaka tatu shi dhiladhililwa."

Meme Kristofina Ndatyomawe, omuwiliki gwo-shilonga shuudiakoni mOngeleka okwa yamukula epulo ngaaka nonkumwe onene. Omudiakoni Ndatyomawe oye awike ti, mokati kongundu onene yaakiintu ya pulwa kOmukwetu omolwomumvo nguka, ina tseyi sha kugwo. Ihe naye wo onkundana ndjika okwe yi taamba nepandulo enene.

"Na minikwe lwomayovi ogendji, ngoka e eta edhiladhilo lyomumvo gwaakiintu muuyuni". Osho e mu yambeke.

Aakiintu mboka ya yamukula omapulo gOmukwetu, ayehe otaa tsu kumwe medhiladhilo ndyoka kutya, natango aalumentu otaa dhini aakiintu moshigwana shika nomOngeleka, n-otaa ekelehi omadhiladhilo gawo.

Meme Maria Nakafingo, okwa ti kutya aakiintu sigo onena oya nyengwa okutaamba omikalo omipe tadhii ya kwatha okuyambuka mokufupipikwa kwawo. Miigongi otaye ku yamukula ashike:



**Efelo Magdalena Kambudu, omuwiliki gwomusiki mOngeleka oye gumwe apopila etopolo lyoondjambi pokati kaalumentu naakiintu, kutya olya ningwa pauyuuki mOngeleka. Ihe ota ti wo nokutya ethimbo olya pya nOngeleka yi yalule ondjambi yomulongi pailongo lye.**

"Otamtu tu dhengitha kaasamane momagumbo". Nakafingo, omulongi mosikola yuuteku womagumbo mEngela, ye oku na eitaalo lya kola kutya uufupi waakiintu moshigwana shika, inau kalekwa po ashike kuukukutu waalumentu, ihe ou li wo meidhino lyaakiintu yoyene, sho yi itala itaa vulu sha aniwa. Oyo yene itaa taamba emanguluko ndyoka taye li pewa monkalathano. Ihe oku na eindilo kaalumentu mboka natango haa ekelehi omadhiladhilo gaakiintu, ya tameke oku ga taamba.

Omupresidende gwEhangano lyaakiintu aana-ngeshefa naaniilonga, meme Hilma Shilongo naye wo okwa zimine eidhino lyaakiintu, ihe ota ti:

"Monkalathano ayihe moshigwana aalumentu oyo ayeke taa popi elaka lya hugunina. Nomushono sha guma aakiintu, itatu pulwa sha, aalumentu yoyene taa ningi omatokolo nosha pwa".

Ehangano ndika lyaakiintu, kali na sha nOngeleka, oli na ashike omimvo ndatu miilonga notali lalakanene okuyambula po omuthika gwomukiintu kehe monkalathano. Ngele oshe ende nawa, meme Hilma ote ke li kalela po moshigongi shaakiintu ayehe Aayafrika muBotswana nuumvo.

"Ongomuwiliki gwEhangano ndika, oshidhigu kungame okupopila uuthemba waakiintu moshigwana, manga mOngeleka itau yalulwa nando. Dhiladhila tu tye ngashi aakiintu mboka yi ilongo uuteologi mOngeleka, kaye na iigongi yawo yene, kaye na ewi miigongi yaasita.

"Aantu mbaka oya thigilwa ashike mohenda yomusita megongalo omulumentu oye mwene a tokole ngele otaa vulu okulongithwa nenge aawe. Opo mpaka twa yugwa uuthemba sho twaa na ehala lyokupopila, tse tu uviwe ko". Osho meme Shilongo a ti.

"Sigo ompaka Ongeleka oyaalumentu ngaa. Oyo taa wilike iigongi, oyo taa pangele mEpangelongeleka. Elunduluko mushika olya pumbiwa". Osho efelo Magdalena Kambudu a yamukula Omukwetu.

Uuthikepamwe waalumentu naakiintu, moshigwana shika otau adhika ashike ngele, pamadhiladhilo ga efelo M. Kambudu, na Maria Hamata, aakiintu taa pewa uuthemba wokweenda kiilongo nokweetelela eputuko kegumbo ngashi sha ningwa kaalumentu.

Uuthikepamwe otau adhika ashike ngele, pamadhiladhilo ga meme Hilma Shilongo na efelo A-K. Kapenda itaa yalulilwa we mongundu yuunona.

"Omusamane ohepele ota thiminikwa a fendele, ihe omukiintu omuyamba ita pulwa nando sha, oshoka okwa talika okanona". Osho meme Shilongo e shi talele muyelele mboka. "Aluhe aalumentu oye tu uvite ko pombambo, oshoka oya tala kutya otwa hala oku ya pangela nokuvula po puyo. Shoka tatu shi lalakanene osho uuthikepamwe, haku etha po iinakugwanithwa yetu momagumbo ongaakiintu, ihe tu yi longe neitulomo nokuli shi vulithe shito, oshoka otu uvite otwa manguluka". (efelo Hamata na Kambudu).

Meme Wilhelmina Amweelo, omuteologi ina yapulilwa oshilonga nomuwiliki gwEhangano lyaakiintu aakriste mOngeleka, naye ina nyanukilwa uukwatya wuuthikepamwe mboka tau pangele sigo onena mOngeleka. Pamadhilodhilo ge, sigo onena aakiintu inaa inekelelwa iimpwiyu mOngeleka ngashi sha tegelelwa:

"Itandi dhiladhila mpaka iimpwiyu mbyoka omukiintu iteyi pewa omolwoonkondo dhe dhopalutu itaadhi shi pitika, aawe. Ihe shika hasho wo etompelo omukiintu mOngeleka sho ine egululilwa oompito adhihe dheyakulo". Osho meme Amweelo a ti. Mokuyamukula epulo lyOmukwetu okwa tsikile a ti:

"Shoka tashi tu sitha oluhodhi ngashingeyi, haashono sho inatu yapulilwa oshilonga ongaa-teologi. Oshoka nopetameko inatu kala nedhiladhilo ndyoka. Ihe oluhodhi lwetu olu li momatompelo ngoka taga gandjwa inaga yela, gaa shi gopaMbimbeli".

Noshilonga shetu osha dhigupala ngashingeyi moyamukula aagundjuka aakiintu mboka taye tu zi konima ye na ehala enene okwiilonga uuteologi. Oya hala okutseyi oshilonga shetu kutya otu li aasita, aayevangeliste nenge aalongi. Shika otashi tu nyenge okuyamukula, oshoka moongundu adhihe ndhoka katu na ewi".

Amweelo okwa ti, mokati kaakiintu ongomuwiliki gwawo mOngeleka, okwa dhimbulula ompumbwe onene yosiminali yuunona woshikunino, nompumbwe yokutaneka natango eputudho lyokukala nomagumbo ngashi ndyoka li li mEngela nomoNkurenkuru. Okwa ti Ihe:

"Naashika oshiniima shiimaliwa, ngele Epangelongeleka otali itula mo musho, opo ndi vule okukwatha moshinima shika".

# "Omukwaniilwa a shashululwa," Eume Iya ti

Onda lesa moshifo EUME No. 12 sha Des. 1974 pepandja 7, Mpoka pwa nyolwa noondanda oonene oondudhe, nopa na wo efano lyomukwaniilwa Josia Taapopi, ngoka a tumbulwa moshifo shoka a shashwa. Esiku olya nyolwa wo Iya yela, anuwa 28/11/1974. Pehulilo lyoshinyolwa shoka shEume opwa tumbulwa mboka ya li peshasho ndyoka. Oshipopiwa osha ti:

"Eshasho lyomukwaniilwa Taapopi olya li Iya gongala wo yamwe yomiilyo yokambinete yOwambo nosho wo aantu yalwe ya adha 200."

Moondanda oondudhe omwa tiwa kutya, sho a shashwa okwa ningi oshilyo shongeleka ya N.G. mOwambo. Elongelokalunga olya ningwa komusita N.S. Paulus (gwa N.G. POnuno) Namushanga gwongerki ya N.G. mu SWA omusita P. Strauss opo a li, EUME Iya ti.

## A shashwa, nenge a shashululwa?

Onkundana ndjika yomEUME oye etele ndje omaipulo, noye etele wo oyendji omalimbililo, mboka nda mono. Pakutseya omukwaniilwa Taapopi okwa adhika nale a shashwa manga N.G. ine ya mo mOwambo. Nomushashi gwe, omusita ngoka e mu yakulile meshasho, oko e li e na omwenyo natango, nondi mu shi. Ishe-we omukwaniilwa nguka Taapopi okwa kala omukriste megongalo Tsandi, shika osha tseyika koyendji.

Okwa shashelwa mongeleka melongelokalunga Iyaayehe pamwe naashashwa yalwe oyendji 404 eti 5-11-1961 manga esiku 28-11-74 inaali sha ko.

Moshinyolwa, EUME olya ti: "Elalakano lyOngeloka ya N.G. oyo okuuvithila aapagani evangeli IyaKristus."

EUME ngele olya popi oshili, kutya Omukwaniilwa Josia Shikongo Taapopi okwa shashwa esiku ndyona ku N.G., nena otandi itaale kutya okwa shashululwa. Nena shika otashi holola sha shomOngeloka ya N.G. nokutya ohayi shashulula. Pashoka sha holoka mEUME, oyo Aashashululi. Ngame ondi shi shi, ihe kutya mboka haa shashulula oyo iimpaga, kaye li momwaalu gwOngeloka. Ngame ondi shi ongeleka ohadhi taambulula, no hakushashulula mboka ya shashwa nale. Nenge oto ti ngiini? Shika osha pingathana noshipopwiwa shaamushanga gwa N.G. mu SWA mesiku ndyoka, omusita Strauss. Omukwaniilwa nguka ka li omupagani opo a shashwe. Naasho a lundulukile ku N.G. okwa ningi tango eindilo kegongalo opo a ye. Ano e shi shi kutya ye omukwane-gongalo Iya Tsandi hamupagani. Shika otashi titha wo omukriste kehe "Elongo, niilonga ya N.G. (Ongeloka yOombulu mEUME) nayi ye puuyelegele tu yi mone nawa.

Sho shitiwa, omolwashike ongeleka ya N.G. yi ipyakidhila nokulonga mokati kiilyo yomagongalo getu? Otaku popiwa ishewe aantu yamwe ya shashululwa kUukwanyama, okongeleka tuu ndjoka ya N.G.

Otandi popi shika, oshoka ngoka a tumbulwa a shashwa okwa zi mOngeloka yetu ya ELOK.

## N.G. nETUMO

Moshipopwiwa shomusita P.Strauss mEume, elalakano Iya N.G. okuuvithila aapagani evangeli IyaKristus.

Eeno, etumbulo inali puka, ihe ngame ondaa shi owala kutya aapagani kuyo oyenipo. Ngele aapagani pamadhiladhilo gawo oye li mOngeloka

nomomagongalo getu, nena onda tala kutya oya ya kokule unene mokutseya uupagani.

MOshifo "Die Suidwester" 14.3.1975 omwa tumbulwa kutya etumo Iya N.G. mokati kAadama kOutjo kali shi etumo pashili ihe aniwa euvitho Iyevangeli kiilyo mbyoka ya ethiwa, noinaaya siIwa oshimpwiyu kOngeloka dhawo. Sho oshinima shika shokOutjo osho ya po sho Epangelo Iya tidha po omusita gwa E.L.K. mOutjo, Omusita Messersmidt. Nena e ethiwo oli li peni mpano? Nenge mokutidhwa po kwaasita, N.G. oye te egululilwa oshelo shokulonga etumo Iye ngawo? Oshinima etumo Iya N.G. mOwambo Iya li hali popiwa, nolya kundathanenwe kaasita yamwe ya N G pamwe naawilingeleka yetu 1973.

Otashi vulika omuwiliki gwongeleka ya N.G. inaa tseya kutya aatumwa yawo muka oye li mo taa shashulula. Oshoka eshasho otali ningi eipopilo Iyaatumwa ya N.G. mOwambo kutya otaa longo oshilongatumo. Onkee ngika sho inaa ya hala okutumbula omwaalu gwiiilyo mbyoka ya taambululwa, otaa shasha nduno, opo ya monike taa longo oshilongatumo mOwambo. Ye Josia Taapopi ka li omupagani nee.

Oshinima osha yela owala kutya N.G. etumo Iye olya taalelithwa miilyo yomagongalo goongeleka dhilwe unene dhaaluudhe tuu. Nena shino otashi ti. Ngele N.G. kee shi oshimpaga shaashashululi ngashi sha holoka mEume, nena ke uvite ko oshilonga shetumo.

Ongeloka ndjoka tayi longo mokati kiilyo yomagongalo goongeleka dhilwe pwaaw na euva-thano nenge ehanganu oyokusithondumbo iilyo yomagongalo ngoka nenge yoongeleka nomagongalo gawo, opo yi imonene iilyo. Naashika ohashi adhika owala miimpaga.

Mpaka otandi tsu kumwe nomutonateli gwo-shitayingeleka shOndonga tate Festus Ashipala, moonkundathana dhe nOmukwetu (nOmukwetu No 4.) Epulo Iyandje oli li mpa: Methimbo ndino taku popiwa omatidho po nenge omaindiko, gaatumwa mOwambo, omo methimbo N.G. ta kokola epyatumo Iye mOwambo, ihe opokati owala komagongalo getu. Oshike ano?

## Konakoneni oombepo.

Mohugunina aamwameme, otandi pandula Kalunga sho a wilike sigo ongeleka ya ELOK ya koko noya thiki kuukuluntu woomvula 100 kwa hupa. Ihe iilyo yomagongalo getu oya kala konyala ethimbo alihe ya fa ya tala komusita nomuuvithi gumwe. Nomakutsi geni haunene ga pulakene koyendji. Omwa kala ongoonzi moshigunda shimwe. Naamboka ya kala popepi natse konyala osho wo ya kala.

Nena mwaa lambalale shaa ngoka. Opu na oyendji, ngaashi nda tumbula muuyanda womagongalo getu mboka hayi iti oyo aalongi naauvithi konyala mokule. Taleni ano nkene tamu longitha uukuluntu weni nokukoka kweni.

Otaku adhika oyendji yomiimpaga mooha dhomagongalo getu, itandi ti inamu ya ko, ihe ote popi ngOmuyapostoli (1 Joh.4:1-5) Konakoneni oombepo ngele odha za mu Kalunga.

Ne mwaa lambalale shaa ngoka. Opuna oyendji, ngaashi nda tumbula muuyanda womagongalo getu mboka hayi iti oyo aalongi naauvithi yoohapu, ihe yoyene kaye na ohole negongalo Iya Kristus. Otaa kambadhla oku li pambagula miipambu noku li tuula miinyakwi. Kehe gumwe gwelalakno ndino ngele e li po nenge opo ta ke ya oku na onkayi yomwenyo gwaaluhe, none mwi ithanwa ku Kalunga oku mu longa ondjila yoshili. Mboka taa langele egongalo Iya Kristus nge montaneho nge monguwi otaa ningi omabungu, koshigunda ashihe. (Kol.4: 5-6.) Pethimbo ndika muuyuni otamu kunda-

Tala kep. 8

## Ounyuni owa teelega shike ku S.A.?

Epagelo la S.A. eshi la nyamukula o V.V.O. kutya itali likufa mo muNamibia, osheshi kali li mo la nangala edu, ndele ongaashi ovakalimo vovene ve shi panda, osha pendula elinyengo kinene meengudu dovapolotika moshilongo nomounyuni ausha.

### London:

Oshifo **Time of London**, osha ti: "Oilongo yaAfrika kai na fiku nai ka tambula omadiladilo omushamane John Vorster, oministeli yotete ya S.A., osheshi Afrika okwa tala nokutya SWAPO oye ngo omukondjelimanguluko washili muNamibia. "Oministeli ngenge otai ifana ovawiliki vaArika kuNamibia, otashi ke va pa nee omhito yokutwa Ovanambia omukumo va ninge ngashi SWAPO a hala, ndele hangaashi Vorster ta hetekele nokudanauka."

Ye omukalelipo waSWAPO muLondon, Peter Katjavivi, okwa ti:

"Enyamukulo lomushamane Vorster ola nyika oufudime, ndele SWAPO ota twikile natango nekondjo laye, okuteta po ekwatafano la S.A. kounyuni, ngashi mOiwana ya hangana".

### Lagos:

MuLagos, Nigeria, omwa dja elondwelo kutya, onghatu i na oshilonga oi na okukufwa diva, oyo Epagelo la S.A. li kufwe mo mu Suidwes, ngenge nani S.A. mwene ina hala oku shi ninga".

### Kinshasa:

Omupresidende waZaire, Mobutu Sese Seko, ye okwa ti nokutya S.A. okwa li e na okulikufa mo muSuidwes. Ngenge hasho, "outa nefininiko, oyo i na okupopya ko, okumangulula oshilongo".

### Windhoek:

Epagelo la S.A. natango inali ehena nande popepi naasho twa hala, nande le litula mo okutunga efinamhango lipe loshilongo.

Eshi osha tiwa komupresidende wongudu ya SWANU, Gerson Vei. Okwa weda ko a ti:

"Fye ongeengudu tadi kondjele emanguluko, itatu ka tambula nande sha hatu shi ningilwa kovawiliki vomadumbo, oyo ve li natango monghedi ya "heeno, muhona".

### Nairobi:

Moshifo **Daily Nation**, muKenya, osha ti: "Oiwana ya hangana oya pula oshinima shimwe ashike, inapa wedelwa sha, osho emanguluko la Namibia, opuo. Sho eshi omushamane Vorster osho nee kwa li e na okuningila Ovanambia.

"Elalakano eli itali ka xulapo nande S.A. neli pyakidile nokumangulula omadumbo aye". Osho oshifo sha ti:

(Advertiser 22-5-1975)

## Omadengo mOngandjera

Oshilyo sha SWAPO Sam Shivute, eshi sha kala meembete moshihakulilo she-tumo mOnandjokwe, oule woshivike omolwomadengo elelo loshilongo shaNgandjera omafiku aa, osha lekelwa mo paife nosha ka twikila oilonga yasho. Omushamane Shivute okwa hangika mOngandjera ta konakona omafininiko haa popiwa a longifwa mehoololo lOwambo muJanuali.

Oilyo ikwao mOngandjera ya dengelwe pefimbo olo, nayo otaku tiwa kai na kapefili paife. Ekonakono eli tali ningwa ku SWAPO okwoongela omadina ovafinikwa oli li naanaa paveta.

## OMADHENGU ITAGA KWATHA

**Omolwiiningwanima ya ningwa mOwambo pomasiku ngaka, sho Aaswapo taa dhengwa, oya tokolitha ndje ndi umbile wo okahaulapa mongalo yoohepele.**

Akwetu, omadhengo itaga kwatha sha. Omuwambo omukulu okwa tungile aatekulu ongano yataamba mo ta ti:

"Niindongo yaandjetu nando dhenga".

Otandi shi endlulula natango kutya:

Omadhengo itaga kwatha sha. Omadhengo ngoka otage eta iinima iyali:

Shotango osho shoka kutya otaga tula uuto-ndwe pokati keni nomaluvalo geni. Otamu tonathana.

Oshinima oshitiyali osho shoka kutya omadhengo otaga koleke Swapo, hakolutu akuke ihe nomomwago wo.

Omuntu gwomwenyo oha yaalele ngoka ta hepa, noha gama kombinga yomuhepekwa ngoka. Aawambo ndishi ohaa ti:

"O, akutune, nde mu yaalela tuu." Nenge "nde ya yaalela tuu". Ihaa ti nando:

"Iyaloo, dhipaga oshipuka". Shila okuninga oshilikama.

Ongundu yaSwapo ano otayi kolekwa komadhengo, noyendji omadhiladhilo gawo otaga gama kongundu yaSwapo.

Benjamin Constant, okwa popile momumvo 1816 ta ti:

"Opaati oyo ongundu yaantu yi na omadhiladhilo gokumwe guukwangundu". (Political Parties Iya nyolwa ku M. Duverger).

Nandi pule shilombolwa: Owambo otayi kala oshilongo shopaati (shongundu) yimwe nani? Swapo ngu ta dhengwa oye ngaa nguno a li ti ithanwa e ye mehogololo lyOwambo, nenge gulwe? Nani okwa li ti ithanwa e ye a dhengwa?

Namuhuja



**Presidende Sam Nuyoma ngoka a popitha wo omutumba gwa V.V.O. ngashi-neyi.**

## S.A. AEKE TA ETA PO OMBILI, V.V.O. TA TI

Oministeli yotete ya S.A. omushamane John Vorster okwa ti kutya edu itali yandjwa ku-Sam, lo itali yandjwa kuSWAPO.

Ye omushamane Sam, omupresidende wa SWAPO, omolwoshipopiwa shomushamane Vorster mOvenduka, okwa ti, Vorster ota danauka nefimbo li na ondilo.

Ovakalelipo vaAmerika na Fulanisha moshikundafanwa shaNamibia omafiku aa ku V.V.O. ova ti nokutya S.A. oye aeke ta eta po ombili moiwana ya Namibia nomolwaasho kape na omhumbwe a kufwe oufemba wokulanda noiwana ikwao ile a kale oshilyo sha V.V.O.

## AAPANGI OOSESTELA TAA PUMBIWA MIIPANGELO YETUMO

Ope na ompumbwe onene yoosestela aaluudhe miipangelo yEtumo mOngeleka ya ELOK. Omahala ge na ompumbwe ndjika ogo:

Onandjokwe,  
Elim,

Engela,  
Tshandi,

Eenhana,  
Nakayale,

Kongo,  
Nkurenkuru.

Aasimanekwa, ngele pu na ngoka wa hala okuyakula aavu miipangelo mbino, ukitha eindilo lyoye komukuluntupangi gwOnandjokwe;

P/Bag. 2016, Ondangwa  
9270

### LUSAKA, ZAMBIA

Ondjila ei ya endwa kuMarx, kuEngels, kuLenin nokuMao (ova toti voukomunisi) oyo ondjila yaKristus. Zambia naKiina aveshe ova tungila komulandu wousosiale, ndelene etongoko li li pokati koi-longo ei ivali oli li apa eshi Zambia a

### Aagandji koshikeha "Sorsa"

131 Irja	Sheehama	Okahao
132 Tuulikki	Shilumbu	Okahao
133 Julia	Shiimi	Okahao
134 Johanna	Ililonga	Okahao
135 Klaudia	lita	Onaanda
136 Ester	Amupolo	Elim
137 Monika	Aukongo	Eheke
138 Viktoria	Kiimba	Eheke
139 Marta	Nuukongo	Eheke
140 Selma	Nakaziko	Emanya Onyanya.
141 Hilja	Shitefanus	
142 Gabriel	Emvula	
143 Maria	Gabriel	
144 Rauna	Emvula	
145 N.D.	Emvula	
146 Magano	Amukeshe	
147 Viktoria	Shikongo	Oniipa
148 Mariana	Indongo	Oniipa
149 Maria	Nikodemus	Oniipa
150 Maria	Simon	Oniipa
151 Matha	Shigwedha	Oniipa
152 Linda	Hofni	Oniipa
153 Aune Sara	litope	Oniipa
154 Katrina	likondja	Oniipa
155 Anna-Katri	Ndevaetela	Oniipa
156 Eunike	Shangala	
157 Selma	Shihepo	
158 Johanna	Awene	
159 Elisabet	Shihepo	
160 Eunike	Hamunyela	
161 Wilhemina	Haimbodi	
162 Saija N.	Mushaandja	
163 Frieda	Elago	
164 Fransina	Nangongo	
165 Elisabetha	Nandjembo	
166 Festus	Ashipala	
167 Josia	Mufeti	
168 Jason	Haufiku	
169 Filippus	Shikomba	
170 Matti	Seppälä	
171 Jakobina	Shingenge	
172 Helmi	Shindongo	
173 Luise	Shingenge	
174 Martha	lipumbu	
175 Hilma	Tweumuna	
176 Josefina	Nghipukuula	
177 Kavivo	Ndamononghenda	
178 Maria	Shikomba	
179 Rauna	Lungameni	

itavela Kalunga kashili ndele Kiina hasho.

Finbo ovatondi voukomuni inava dalwa, ye Kristus okwa dalwa nale. Etumwalaka laKristus olo etumwalaka loufikepamwe. Ndele olyelye ita ti nokuya etumwalaka laye itali eta eenhamana?

Pamadiladilo ange okupangela vakweni paokoloni, paukesali, patopaulo lovanhu ile okupangela vakweni neenghono dopa-imaliwa, onghedi ei onde i tala i li omutondi womunhu, noshilongo shaKalunga kashi na fiku nashi ka tunga kombada yedu, fimbo onghedi ei inai fya.

Kenneth Kaunda

### "Omukwaniilwa a shashululwa,"

Dha za kep. 6

thanwa uukumwe woongeleka hamatopagulo. Tse atuhe otwa peweni oshipango shimwe kOmuwa.

Lesh Mat.28:18—20: Mboka ya shashwa medhina Iya He nolyOmwana nolyOmbepo ondjapuki oya shashwa SHILI, mOSHILI.

Kape na gulwe gwomaantu ta ka longa elongo epe tali hupitha ando, noku mone mboka ya shashelwa medhina Jesus, ya pukithwa nenge ya puka ando, aawe. Onkee omutumwa gwoshili ka vulu oku ya shashulula.

Set Son Shivute

### OMUKWETU

Oye oshifo shOngeleka onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo omumbisofi dr. Leonard Auala. Amushanga Rev. Sebulon Ekandjo.

Ondando yoshifo komumvo muSuldwes nomuAfrika alihe R 1. 00 kombanda yomafuta R 2. 00.

Ondando nomambesitelo naga tumwe kOmukwetu Oniipa; P/B. 2013, Ondangwa.

Omatseyitho agehe gomuntu mwene ohaga futiwa kumwene.

OWAMBOKAVANGO CHURCH PRESS  
PRIVATE BAG 2013, ONDANGWA S. W. A  
9270